



Mr. R. M. Rinehart

ՀՈՎՀ. ԹՈՒՄԱՆՅԱՆԻ ԾՆՆԴՅԱՆ 100-ԱՄՅԱԿԸ

ՀԱՄԱԶԴԻՅԻՆ ՄԵԾ ԲԱՆԱՍՏԵՂԾԸ

Վ. Հ. ՀԱՄԱՐՁՈՒՄՅԱՆ

ակադեմիկոս, ՀՍՍՀ ԳԱ պրեզիդենտ

Հայ ժողովուրդը մեր մեծ հայրենիքի եղբայրական ազգերի հետ միասին, ամբողջ աշխարհի բարի կամքի մարդկանց հետ միասին տոնում է իր հոգևոր մշակույթի նշանավոր տոներից մեկը՝ ազդային մեծագույն բանաստեղծ և հասարակական գործիչ Հովհաննես Թումանյանի ծննդյան 100-ամյակը: Նախապատրաստական այն մեծ ու երկարատև աշխատանքը, որ կատարվեց այդ հոբելյանի կապակցությամբ, այն սերն ու ոգևորությունը, որ նա առաջացրել է մեր սրտերում, նորից ու նորից հիշեցնում են մեզ, թե ինչպիսի մեծ, անփոխարինելի տեղ է գրավում Թումանյանը հայ գրականության և կուլտուրայի պատմության մեջ, մեր ժողովրդի ողջ հոգևոր աշխարհում:

Թումանյանը եկավ, ասես, ի մի բերելու հայ գրականության ստեղծագործական մեծ նվաճումները հորենացուց, նարեկացուց և Սայաթ-Նովայից մինչև Աբովյան ու Րաֆֆի, այն ամենը, ինչի մասին նա գրել է իր հոյակապ տողերի մեջ.

Տանում եմ հնուց մեր գանձերն անգին.

Մեր գանձերը ծով.

Սկսելով իր ստեղծագործությունը անցյալ դարի վերջին տասնամյակում, Թումանյանը բարձրացրեց ալդ ավանդները նոր աստիճանի և իր անունը մեկրնդմիշտ գրեց այդ փառավոր անունների կողքին, դարձավ հայ բազմադարյան գրականության ամենամեծ, ամենավառ ու գեղեցիկ աստղերից մեկը:

Թումանյանը հանդես եկավ գեղարվեստորեն մարմնավորելու հայ ժողովրդի հոգևոր աշխարհի, նրա բնավորության ամենաբնորոշ, լավագույն գծերը, սոցիալական և ազգային արդարության անշեջ երազանքը, մարդասիրական մեծ խոհերը, քաղաքակիրթ ազգերի եղբայրության մեջ ապրելու կամքը: Թումանյանի ստեղծագործությունը հայ ժողովրդի հոգևոր աշխարհի հայելին է, նրա կուլտուրական մեծության ամենահոյակապ վկայականներից մեկը աշխարհի և մարդկության առջև:

Կարճ ժամանակամիջոցում Թումանյանը դարձավ ժողովրդի կողմից ամենահարգված գրողը: Կարդալով Թումանյանին, ժողովուրդը ճանաչեց ինքն իրեն: Եվ ժողովուրդը սիրեց նրան անսահման սիրով:

Թումանյանն իր հետ բերեց հայ բանաստեղծական խոսքի, ամբողջ գրականության ժողովրդայնության ու ռեալիզմի նոր շափանիշներ: Նա շատ ավելի մոտեցրեց մեր արվեստը կյանքին, ժողովրդին, իրականության ամենահասարակ երևույթների մեջ տեսավ պոեզիայի անսպառ աղբյուր: Նրա պոեզիան արմատական մերժումն է արհեստականի և անբնականի, և հաղթանակը՝ իրական, անկեղծ բանաստեղծության: Ահա թե ինչու Թումանյանից հետո հայ գրականության ողջ զարգացումը ամուր կերպով կապված է եղել և միշտ կապված է:

ված կմնա նրա ավանդների, հետ: Ժամանակը չի հնացնում, այլ նոր փայլ և նշանակություն է տալիս նրանց:

Հանձին Թումանյանի հայ ժողովուրդն ունի մի բանաստեղծ, որի անունը իրավամբ, դրվում է համաշխարհային դրականության մեծերի կողքին: Իզուր չէ, որ Եղիշե Չարենցն ասում էր.

Ես կարդում եմ նրան ու ասում.— Այս հմուտ, հանճարեղ Լոռեցին
Հումերի, Գյոթեի հետ մի օր՝ հավասար՝ նստել է բեֆի:

Թումանյանն իր կյանքով ու դործունեությամբ ներկայացնում է քաղաքացիական ոգու մեծության, ազնվության և անձնագոհության մի պայծառ օրինակ: Նա իր հանճարը անբաժան կերպով նվիրեց հարադատ ժողովրդին ոչ միայն դեղարվեստական երկերի մեջ, այլև անձնվեր աշխատանքով՝ քաղաքական-հասարակական, գրական-կուլտուրական առավել սուր, կենսական հարցերի լուծման համար: Հայ ժողովրդի պատմության ամենածանր շրջանում՝ մեր դարի առաջին տասնամյակներին, երբ դրված էր նրա բուն ֆիզիկական գոյության հարցը, Թումանյանը տառաջիորեն այրվեց հայրենիքի ճակատադրով: Նա հակառակ կյանքի իսկական կենտրոնն էր, նրա ամենահեղինակավոր դեմքը, մեկը մեր ժողովրդի այն մեծ զավակներից, որը ճիշտ պատմական հեռանկարի մեջ տեսավ Հայաստանի ապագան: Հայ ժողովրդի կյանքի և բարգավաճման անհրաժեշտ սլայմանը նա տեսնում էր դեմոկրատական իդեալների հաղթանակի, անդրկովկասյան ժողովուրդների եզբայրության, մեծ Ռուսաստանի հետ հավերժական դաշինքի մեջ:

Հայաստանում սովետական կարգերի հաստատումից հետո Թումանյանի երկերի հրատարակության և մասսայականացման դործը դարձավ պետական մի դործ և նրա դրքերը միլիոններով տարածվեցին Հայաստանում: Նա թարգմանվեց սովետական ժողովուրդների բաղմաթիվ լեզուներով:

Մեզ համար առանձնապես հետաքրքիր է հիշել այն մեծ աշխատանքը, որ Թումանյանը վարել է հայ գիտության մարդկանց համախմբելու, գիտական լուրջ շարժում սկսելու, վերջապես՝ հայկական ակադեմիա հիմնելու համար: 1917 թ. նա մարդարեաբար դրել է.

«Պետք է համախմբել հայ գիտնականներին, ստեղծել գիտություն հայերեն լեզվով և գիտնականների կաճառ, գիտության օջախ, Հայկական ակադեմիա:

Եվ պետք է ստեղծել Հայոց Համալսարանը, ուր կարելի լինի բարձրագույն գիտություններ ավանդել ու սովորել հայերեն լեզվով: Մեր տարրական ու միջնակարգ դպրոցների մեջտեղը պետք է կառուցանել ու պահել մի գիտության տաճար, մեր մանր ու մեծ ճրագների մեջտեղը պետք է վառել մի մեծ ջահ:— Հայկական Համալսարան»:

Այսօր Հայաստանի մայր հողի վրա ստեղծված ու բուռն կերպով զարգացող մեր գիտությունների ակադեմիան, մեր պետական համալսարանն ու մյուս գիտական-ուսումնական հաստատությունները մեծ բանաստեղծի այդ երազանքի լավագույն մարմնավորումն են:

Ակադեմիան իր կարևոր խնդիրներից մեկն է միշտ համարել ուսումնասիրել մեծ գրողի դրական ժառանգությունը, հրատարակել Թումանյանի երկերը, բաղմակողմանի նյութեր և ուսումնասիրություններ: Միայն վերջերս լույս են տեսել Թումանյանին նվիրված մի քանի դրքեր: Այսուհետև ևս Թումանյանի ժառանգությունը կլինի մեր գրականագետների, լեզվաբանների և բոլոր մյուս հասարակագետների ուշագրության կենտրոնում: